


**UiTM SARAWAK
CELEBRATES SUCCESS
AT THE INVENTION,
INNOVATION AND
DESIGN COMPETITION,
2009**

PG. 22

PG. 7



**Majlis Perasmian Masjid
Al Qarrawiyyin Oleh YAB
Pehin Sri Ketua Menteri**

PG. 10



**Forum Pasca Pilihan Raya
ke 12**

■ **UiTM Sarawak
Conference** PG. 4
2008

■ **Diploma Show:
Pelajar Grafik**
PG. 34

■ **UiTM Sarawak At
The International
Level** PG. 40

SUKAN STAF 2009

Kontijen Universiti Teknologi MARA Sarawak membuktikan keunggulannya apabila berjaya menduduki tempat ketiga keseluruhan Karnival Sukan Staf Antara Kampus UiTM ke-XII yang berlangsung di UiTM Terengganu pada 18-23 Mei 2009. Kejayaan ini merupakan pencapaian terbaik UiTM Sarawak sekali gus sebagai pembakar semangat atletnya untuk bersaing dalam Kejohanan Sukan Borneo 2009 yang bakal diadakan di negara Brunei Darussalam pada 29 Jun hingga 5 Julai 2009.

Kontijen UiTM Sarawak yang mempertaruhkan 70 atlet terdiri dari 44 atlet lelaki dan 26 atlet wanita menyertai 14 acara termasuk bola sepak pantai, bola sepak veteran, bola tampar wanita, bola keranjang lelaki, ping-pong, karom, tenis, hoki, futsal (lelaki dan wanita), badminton, bola jaring, sepak takraw, petanque dan tenpin boling (lelaki dan wanita). Kontijen Sarawak berjaya membawa pulang 5 pingat emas, 2 perak dan 3 gangsa.

UiTM Terengganu mengungguli kejohanan kali ini dengan menjuarai keseluruhan Karnival Sukan Staf Antara Kampus UiTM ke-XII dengan mengutip 17 pingat emas, 13 perak dan 6 gangsa dengan 36 kutipan pingat diikuti UiTM Malaysia (Shah Alam) di tempat kedua dengan 5 pingat emas, 4 perak dan 5 gangsa.

Pingat emas UiTM Sarawak disumbangkan menerusi pasukan bola keranjang lelaki (3 sebelah), ping-pong perempuan (perseorangan dan beregu), futsal (lelaki) dan boling (wanita). Lebih manis lagi kontijen Sarawak turut diumumkan sebagai pemenang pertandingan perbarisan.

Bagi acara ping-pong berkumpulan pula, kontijen Sarawak berjaya mendapat pingat perak.

Pasukan futsal lelaki turut mempamerkan aksi bertenaga untuk merangkul emas apabila menewaskan Johor dalam perlawanan akhir futsal. Penyerang utama UiTM Sarawak, Mohd Khairolazlin Sahari muncul wira dengan jaringan hatrik untuk membantu kontijen Sarawak muncul juara dengan jaringan 5-1.

Bagaimanapun, pasukan futsal wanita pula gagal kalah tipis 2-1 menerusi sepakan penalti kepada pasukan Terengganu dalam perlawanan akhir. Pasukan Sarawak berjaya mendahului 1-0 menerusi jaringan pemain lincahnya, Theresa Ahing namun gagal mengekalkan keputusan tersebut apabila pasukan Terengganu berjaya menyamakan kedudukan sehingga mengheret ke penentuan sepakan penalti.

Pasukan tenpin boling wanita UiTM Sarawak turut cemerlang apabila memunggut emas dalam acara beregu wanita menerusi gandingan Siti Huzaimah Sahari dan Affidah Morni yang berjaya membuat 1,765 jatuhan pin.

Sementara itu, Timbalan Ketua Kontijen UiTM Sarawak, Encik Mohd. Shafiq Abdullah yang mewakili Ketua Kontijen yang juga Pengarah Kampus UiTM Sarawak, Prof. Madya Dr. Jamil Haji Hamali memberitahu, beliau berpuas hati dengan pencapaian keseluruhan kontijen Sarawak yang menyertai karnival sukan kali ini.

Menurutnya, pencapaian kali ini merupakan yang terbaik pernah dicapai oleh Sarawak sepanjang menyertai Karnival Sukan Staf Antara Kampus UiTM.

"Saya percaya pencapaian memberangsangkan ini adalah hasil kerjasama dan semangat juang tinggi yang dipamerkan oleh semua atlet yang mengambil bahagian dalam karnival kali ini," katanya semasa majlis barbeque yang melibatkan kontijen UiTM Sarawak di UiTM Terengganu kampus Dungun baru-baru ini.

Beliau juga berharap semua atlet akan terus melakukan persediaan rapi khususnya dalam saingan menghadapi Kejohanan Sukan Borneo 2009.

Prof. Madya Dr. Jamil Haji Hamali menyampaikan cenderahati daripada kontijen UiTM Sarawak kepada Tan Sri Dato' Seri Prof Dr. Ibrahim Abu Shah, Naib Canselor UiTM

SEMANGAT...Prof. Madya Dr. Jamil Haji Hamali yang turut memberi semangat dan perangsang kepada atlet UiTM Sarawak bergambar kenang-kenangan bersama atlet selepas majlis perasmian.

Kontijen UiTM

BERGAYA...Aksi pasukan menembak UiTM Sarawak yang diketuai Prof. Madya Dr. Jamil Haji Hamali bersama Dr. Firdaus Abdullah, Mohd. Shafiq Abdullah dan Narudin Pawi yang berjaya mendapat tempat kedua.

EMAS PERTAMA...Pasukan bola keranjang lelaki

EMAS DAN PERAK...Pasukan futsal lelaki dan wanita UiTM

Pasukan ping-pong UiTM Sarawak berjaya mengutip 2 pingat emas dan 1 perak



Universiti Teknologi MARA Sarawak,
Jalan Meranek, 94300 Kota Samarahan.
Peti Surat 1258, 93912 Kuching,
Sarawak, Malaysia.
Tel: 082-677 200 Faks: 082-677 300

<http://www.sarawak.uitm.edu.my>



UNIVERSITI
TEKNOLOGI MARA
SARAWAK